12-D16-Sy حياتي كلها صارت بالبيت

الصديقة: وشو حتعملو بعطلة العيد؟

رنا: شو رح نعمل يعني. رح نبقى بالبيت. مثل كل عطلة. منشان شغل الأستاذ ناصر.

الصديقة: يي! شو هالحكي؟ هذا مو معقول. لازم تاخذو عطلة وتطلعو شوي. أيمتى آخر مرة أخذتو عطلة؟

رنا: والله ما بتذكر. يلا... ماشى الحال. وأنتو؟ شو رح تعملو؟

الصديقة: والله حبيبتي نِحنا بدنا نروح عبيروت، منشان نحضر عرس بنت خالتي. وبعد العرس قرّرنا نبقى بلبنان ونقضِّي كم يوم هنيك. وكمان، بنا نروح نعمل سكي عالثلج.

رنا: كلكن رايحين؟

الصديقة: طبعاً لا. رح نروح أنا وعادل وبس. والأولاد رح يبقو مع ستُّن. يعنى أنا وعادل بتعرفي، بدنا هيك عطلة رومانسية بعيدة عن الأولاد.

رنا: ما شاء الله! ما شاء الله! عرس وعطلة وسكي ورومانس. أيه شو بدك أحسن من هيك؟ أنا وجوزي رح نعمل سكي ورومانس ها! بس بالبيت! الله وكيلك، حياتنا كلها صارت بالبيت.

الصديقة: طيب، بتحبو تِجو معنا؟

رنا: يا ريت! بس ...

الصديقة: بس شو؟ شو رايك أنا أحكي مع عادل واقللو يحكي مع ناصر.

رنا: رح يرفض! هذا جوزي وأنا بعرفو!

الصديقة: يا أختي ...

رنا: طيب، طيب. إحكو معو، وبعدين منشوف.

الصديقة: تمام.